



Broj/Број: 01/6-50-1-8-14/09
Sarajevo/Сарајево, 3. 2. 2009. godine

Z A P I S N I K

14. sjednice Komisije za ostvarivanje ravnopravnosti spolova, održane 3. 2. 2009. godine

Sjednici Komisije za ostvarivanje ravnopravnosti spolova (u daljnjem tekstu: Komisija), održanoj 3. 2. 2009., s početkom u 13 sati, prisustvovali su sljedeći članovi: Vinko Zorić, Rifat Dolić, Jozo Križanović, Remzija Kadrić i Halid Genjac.

Odsustvovali su: Sead Jamakosmanović, te Jovan Todorović, Mirjana Malić i Savo Erić, koji su najavili odsustvo.

Sjednici je prisustvovala i Samra Filipović-Hadžiabdić, direktorica Agencije za ravnopravnost spolova BiH sa saradnikom.

Sjednici je prisustvovao i sekretar Komisije Davorin Semenik.

Za sjednicu je usvojen sljedeći

D N E V N I R E D

1. Usvajanje Zapisnika 13. sjednice Komisije;
2. Usaglašavanje izbornog zakonodavstva BiH sa Zakonom o ravnopravnosti spolova BiH;
3. Ostala pitanja.

Zbog obaveza većine članova Komisije i ograničenog vremena, ostale tačke iz prijedloga dnevnog reda bit će razmatrane na narednoj sjednici.

Ad. 1. Usvajanje Zapisnika 13. sjednice Komisije

Zapisnik 13. sjednice Komisije usvojen je jednoglasno, bez primjedbi.

Ad. 2. Usaglašavanje izbornog zakonodavstva BiH sa Zakonom o ravnopravnosti spolova BiH

Predsjedavajući Komisije upoznao je prisutne s aktivnostima koje su preduzete nakon donošenja zaključka Komisije sa 12. sjednice o pokretanju postupka za izmjene i dopune Izbornog zakona BiH. Tako je u toku izrada stručne podloge koja bi se koristila prilikom izrade prijedloga zakona, a obavljene su i konsultacije o imenovanju članova u Radnu grupu za pripremu Zakona iz Centralne izborne komisije BiH, Udruženja izbornih zvaničnika u BiH i Agencije za ravnopravnost spolova BiH.

O ovome je obavljena rasprava, pa je Komisija zaključila da, iz proceduralnih razloga, prepusti Agenciji za ravnopravnost spolova BiH da vodi ove aktivnosti. Ovo je i prihvatila direktorica Agencije, nakon čega je Komisija u Radnu grupu imenovala: Vinka Zorića, Mirjanu Malić,

Remziju Kadrića i Davorina Semenika. Ostali dokumenti koji se odnose na ove aktivnosti prikupljeni u Sekretarijatu Komisije bit će proslijeđeni Agenciji.

Ad. 3. Ostala pitanja

U okviru ove tačke sekretar je upoznao Komisiju da je predsjedavajući Komisije uputio pozivno pismo Parlamentu Kraljevine Švedske za uzvratnu posjetu njihove komisije, kao i da je počela službena prepiska za pripremu posjeta gender komisijama Češke Republike i Narodne skupštine Republike Srbije. Komisija je ove informacije primila k znanju.

U vezi sa zahtjevom Kolegija Predstavničkog doma za dostavljanje prijedloga za Orijentacioni plan rada Doma za 2009. odlučeno je da se kandidiraju dvije teme, i to:

- Informacija o Gender akcionom planu Vijeća ministara BiH i preporukama UN CEDAW Komiteta za BiH i
- Prijedlog zakona o izmjenama i dopunama Izbornog zakona BiH.

Na kraju sjednice sekretar je upoznao članove Komisije da je amandman koji je ova Komisija uložila na Prijedloga zakona o budžetu za 2009. godinu prihvatila oba doma PSBiH, što je Komisija primila k znanju.

Nakon što je dnevni red realiziran, sjednica je završena u 14 sati.

SEKRETAR KOMISIJE

Davorin Semenik

PREDSJEDAVAJUĆI KOMISIJE

Vinko Zorić